




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAJL 1.7.393/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.393/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAAGL 1.7.393/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAAGL 1.7.393/a

CASPARIS SAGITTARII D.
HISTOR. SAXON. ET HIST. P.P.


PROGRAMMA

QVO
PRIVATAS PRÆLECTIONES
QVIBVS

LIBERARVM S. ROMAN.
GERMANICI IMPERII CIVITATVM
HISTORIAS

PROPOSITVRVS AC ILLUSTRATVRVS EST
INDICIT.

JENÆ ANNO MDCC LXXXIX.
TYPIS NISIANIS.



Etsi jam a teneris, tum a B. Pa-
rente, tum ab optimo Præcepto-
re, Henrico Bangerto, Historiæ
Germanicæ studium mihi commendatum
ac implantatum fuit; multo tamen id
fieri cœpit magis, postquam in incluta
Helmstädiensi Academia, illustris viri,
Hermannii Conringii scripta hujus generis
varia diligenter legere, & ab ejus ore
in publicis privatisq; diatribis, & (quod in
non exigua felicitatis parte pono) congres-
sibus quoque familiaribus mihi daretur
pendere. At enim ex quo per divinam
gratiam, ac Serenissimorum Saxonie Du-
cum decretum, publica Historiarum pro-
fessio mihi fuit demandata, sollicite in eo
elaboravi, ut Germanicas Historias, ut-
pote nostræ genti summe proficuas, excole-
rem, ac tam prælectione frequentiori,
A 2 quam

quam variis scriptis illustrarem. Quia
autem complures urbes Germanicæ rebus
domi forisque gestis magnum & memora-
bile nomen jam pridem sunt indeptæ, sum-
mopere sæpius dolui, quod singularum hi-
storia nondum paulo curatius congesta in
lucem publicam prodierit. Nam quæ
Munsterus, Reusnerus, Dresserus, Saue-
rus, & nonnulli alii collegerunt, quamvis
non plane contemnenda, paucissima ta-
men illa, ac non raro certis dubia, falsa-
que veris immixta deprehendimus. Ut
adeo non immerito mireris, magnos in-
terdum viros, quando ad perscrutandas
Germanicarum civitatum origines ac for-
tunâ variam devenerint, vix alios, quam
quos laudavi, duces sequi, veterum monu-
mentorum per investigatione posthabita. Me-
rito quidem fateor, nondum omnium Teu-
thoni-

thonicarum urbium ortum ac fata reliqua
luculētius esse exposita: sed aliqua ob cras-
sum ævi stuporem nullatenus consignata;
multa per temporum injuriam deperdita;
plurima in tabulariis recondita latere. At
vero si ea tantum, quæ in antiquioribus
Romanis, & mediis porro ævi scriptoribus
ad hoc argumentum pertinentia habentur,
observaremus, ac deinceps ad recentio-
res, qui his in literis præ ceteris excel-
lunt, hoc est, ad Rhenanos, Velferos, Mei-
bomios, Freheros, Goldastos, Brovveros,
Lehmannos, Conringios, Bæcleros, Lam-
becios, nos converteremus; fieri non posset,
quin multa longe, ac vulgo fieri solet, exa-
ctius cognosceremus, inque usus nostros
converteremus. Verum quia multo-
rum, præsertim in Academiis florentium
juvenum, vel ætas, vel fortuna, vel propo-
situm

fitum non permittit, laudatos aliosque bo-
ni commatis scriptores curatius peruesti-
gare; æquum est, ut illi, quorum munus id
efflagitat, eos pro virili sublevent, ac tam
ad Historicorum, quam ad ipsarum rerum
cognitionem manu quasi ducant. Hoc
ipsum igitur brevi facere animus est pri-
vatis prælectionibus, quibus omnium ac
singularum Imperii Germanici liberarum
urbium, secundum suos, ad quos referun-
tur, Circulos dispositorum, historias, ex
ipsis fontibus, magna, & (quod absque ja-
ctantia dixerim) incredibili industria e-
rutas, per compendium proponam, & lucu-
lentiore plerumque dissertationibus il-
lustrabo. Ceterum ut de methodo mea con-
stet, non pigra bor illam paulo disertius ex-
plicare. Primo, si quis vel unus, vel plures
typis expressi Historici illius de qua acturi
sumus

sumus, urbis gesta consignarint, eos, eorundemque editiones, versionem, dotes, naves, afferam; nec manuscriptorum, si qui fuerint, & ad meam notitiam devenerint, negligens. Deinde nomen, origines, incrementa, fortunam variam, bella, fœdera, seditiones, & calamitates alias, religionem, ejusque immutationem, templorum, monasteriorum, aliarumque; ædium publicarum fata, item immunitates, privilegia, clarorum virorum natales, merita, obitum, & si quæ sunt alia memoratu digna, secundum annorum, quibus quæq; ad præsens usque tempus gesta, seriem recensebo: ubiq; additurus, ex quibus singula deprompta sint scriptoribus. Denique si nonnulla ita fuerint comparata, ut ad annales commodè referri nequeant, ad calcem uniuscujusque urbis historiæ ea differam. Ex
his

*his facile apparebit , puto, me non modo
ad solida historiarum fundamenta Au-
ditores deducturum ; sed nihil etiam fa-
cile omisurum , quod ad singularum ci-
vitatum sacrum & civilem statum co-
gnoscendum spectaverit. Quibuscunque
igitur volupe ac commodum est, mea in
his prælectionibus opera uti, ii die hujus
mensis ultimo hora secunda pomeridia-
na domi meæ convenient, ac porro re ipsa
deprehendent , quam non fuerim largo
promissor hiatu , sed, quod in me recepe-
rim, divina adjutus ope, diligenter ac fi-
deliter sim servaturus. Scribebam
die XIX. Octobris Anno
clb lbc LXXXIX.*